

Broj: 01-4946/19  
Sarajevo, 19.11.2019. godine

- SVIM ZAINTERESOVANIM LICIMA

**PREDMET: Protokol o pokretanju postupka ekvivalencije ranije stečenih akademskih titula odnosno naučnih i stručnih zvanja na Fakultetu sporta i tjelesnog odgoja Univerziteta u Sarajevu**

Poštovani,

U skladu sa Pravilnikom o postupku ekvivalencije ranije stečenih akademskih titula odnosno naučnih i stručnih zvanja Univerziteta u Sarajevu, broj: 01-4946-1/17 od 19.07.2017. godine lice koje je ranije steklo zvanje koje je stečeno završetkom studija koji nisu gradirane cjeline Bolonjskog visokoobrazovnog procesa odnosno zvanje stečeno završetkom studija prema propisima koji cikluse studija nisu vrednovali sa ECTS studijskim bodovima na Fakultetu sporta i tjelesnog odgoja Univerziteta u Sarajevu, može pokrenuti postupak ekvivalencije ranije stečenog zvanja sa novim zvanjem na ovom Fakultetu.

#### **Kako se uređuje postupak ekvivalencije?**

Pravilnikom o ekvivalenciji ranije stečenih akademskih titula odnosno naučnih i stručnih zvanja Univerziteta u Sarajevu, broj: 01-4946-1/17 od 19.07.2017. godine, uređuje se postupak i kriteriji ekvivalencije ranije stečenih akademskih titula odnosno naučnih i stručnih zvanja na Univerzitetu u Sarajevu. Pravilnik je objavljen na web stranici Univerziteta u Sarajevu i web stranici Fakulteta.

#### **Šta je Ekvivalencija?**

Ekvivalencija je formalna potvrda (uvjerenje) nakon postupka u kojem se vrši izjednačavanje ranije stečenog zvanja na Univerzitetu u Sarajevu sa novim zvanjem na način utvrđen pozitivnim propisima o korištenju akademskih titula te stjecanju naučnih i stručnih zvanja.

#### **Ko je nadležan za postupak ekvivalencije?**

U postupku ekvivalencije nadležan je ovaj Fakultet, ukoliko je akademska titula odnosno naučno i stručno zvanje stečeno na ovom Fakultetu.

#### **Kako se pokreće postupak ekvivalencije?**

Postupak ekvivalencije pokreće se na zahtjev lica koje je ranije steklo zvanje na ovom fakultetu, a temelji se na osnovu diploma, drugih dokaza i dostupnih podataka.

Sadržaj i forma zahtjeva sastavni su dijelovi Pravilnika o postupku ekvivalencije ranije stečenih akademskih titula odnosno naučnih i stručnih zvanja Univerziteta u Sarajevu



Zahtjev se podnosi putem protokola ili putem pošte (preporučeno) Fakultetu sporta i tjelesnog odgoja Univerziteta u Sarajevu, ul. Patriotske lige br. 41, Sarajevo.

Uz zahtjev se prilaže sljedeća dokumentacija:

- Original ili ovjerena fotokopija diplome visokoškolske kvalifikacije čija se ekvivalencija traži
- Original ili ovjerenu fotokopiju službenog dokumenta izdatog od fakulteta koji sadrži podatke o položenim ispitima s ocjenama, službeni naziv i trajanje studijskog programa te uvjete upisa
- Rješenje nadležnog tijela ili fotokopiju vjenčanog lista (osobe koje su promijenile ime i/ili prezime)
- Potvrda o uplati naknade za troškove postupka

### Ko odlučuje o podnesenom zahtjevu?

Vijeće Fakulteta na osnovu prijedloga Komisije za provođenje postupka ekvivalencije donosi odluku.

### Kakva može biti odluka Vijeća?

Vijeće donosi odluku o: ekvivalenciji ranije stečenog zvanja, odbijanju ekvivalencije ili ekvivalenciji uz dodatne uvjete.

O zahtjevu se odlučuje Uvjerenjem.

Odluka o izdavanju uvjerenja – da ranije stečena akademska titula odnosno naučno i stručno zvanje odgovara nekoj akademskoj tituli, naučnih i stručnih zvanja u skladu sa važećim propisima – donosi se na osnovu pozitivne ocjene svih bitnih činjenica u postupku ekvivalencije.

Protiv odluke o ekvivalenciji može se podnijeti prigovor Senatu Univerziteta. Odluka Senata je konačna.

S poštovanjem

### Dostaviti:

- Safet Rašinić za web stranicu Fakulteta
- a/a



DEKAN  
Prof.dr. Haris Alić